

DURNYAN KIKE BE KEYILI KPRA TA LANƁE DIMEDI KIKE BE KUMU SO BE ASHYEN NE MOBE
KASHINTEƁ AKPA

ASHEDFESO

Kepin ne kemaƙura, dimedi be eyilikpa ne mobe kumu so be ashen e la mobe kashinten ne
eyur-wushi be egbel-tulwase.

Kedo ne kekplan dimedi be kashinten ere so e naa bra barkone, a duu mfera lubi dimedi be
kumu to, n nan shi ne durnyan to dimedi bu kebaa malga yelyela, eboreshun, kayeni-yeni
ne kanye kii ashen kpakpa so bebolpo kuto.

Ku daga fane awura-shen be mbra ka bee kun dimedi be kashinten n sa maa shi ne eko maa
kini mo barkasa nko a nyan mo.

A daga keteni efuli-ana be kakurwe kelepso.

Yunated Neshin be baasa sa yerda kawol to ta a lanƁe baasa be kashinten-kpra ne bumode
eyilikpa ne bu tin teni bumobe kachena ne kebawoto lela be akpa so.

Efuli-ana ne a wo konkonwole ere to bo ntaƙ fane ban pe abar be nsher to n nya bunyan
ne kemaƙur kashinten ere to.

Ekama be kepin kashinten ne kumu so be ashen ere e la demu kpra ne ku been che to n teni
ntaƙ ere so. Naniere, kumo so.

Durnyan kike be nsher gbon nna yili dimedi kike be kumu so be ashen ne kashinten ere.

Amuso, Kamalga ere to

BEE DINI FANE "GENERAL ASSEMBLY" BEE

KanƁe ekama fane kayili ne kuwo kawol ere to la amo ne a been woro anfaani nsa ekama mo
ne ewo efuli nna so. Ekama nta n-ya mata durinya kike be mmalga yiliso so. Adaga efuli
kike eshuli n sa kamalga mo ne kuwo kawol ere to nta kumo nki kapatɛ nsa anye. Nsa ne
kamalga ere eluri efuli kike nene: epeni petekpa, epeni-torkpa, banaso, jisaso kuso ne
adaga anye kike ewuro nna ela.

Demu 1

Bu kurwe dimedi kike mobe kumu so, ne mobe, eyilikpa, keshen ne kashinten man kor eko
peye to. Nyinpela sa dimedi kike lakal ne mfera fane bu chena abarso kelepso so.

Demu 2

Ekama ko ekpa ta a lanƁe kashinten ere kike ne kumu so be ashen ne a wo keyili kpra ere
to ne nkpieto kike man woto ashi yiri, kawol be ndu li, kenyan/keche, ngbar, ebore shun,
kumu be kekeni nko lakal ko, efuli so nko kebawoto be ekpa so, kapitɛ, kakurwe nko
eyilikpa ko be kabaso.

N nan tii so, nkpieto kike e sa man woto ta a yo kumu be kekeni to, demu-ji to, nko
efuli ne fo shi be eyilikpa durnyan to ne lon be efuli nna suwe kumo kumu a keni kumo
kumu so, nko efuli ko e naa keni kumu so ekpa ko so.

Demu 3

Ekama kɔ kashintɛŋ nɛ mɔbɛ ɛfute nɛ mɔbɛ kumu bɛ kekun.

Demu 4

A maŋ daga nɛ eko e baa wɔ kenyaŋa nko kanyaŋ to. Kenya, kenya-tɔ nɛ kenya-fa bɛ ekpa kama so daga ku ju.

Demu 5

A maŋ daga bu ka nyaŋ eko nko n wɔtɔ mo ebasa to, nko n gberge mo kusoe.

Demu 6

Ekama kɔ kashintɛŋ, kaplɛ-kama nɛ e wɔ nɛ bu pin fanɛ esa e la mo mbra bɛ ekpa so.

Demu 7

Ekama na la kukonwule nna mbra bɛ ekpa so, a daga nɛ mbra na e kun ekama nɛ nkpiɛto maŋ wɔtɔ.

Demu 8

Ekama kɔ kashintɛŋ nɛ bu yolge mo ashi efuli na bɛ demu-ji akpa nɛ e ya dɔ kashintɛŋ kpra nɛ mbra yili mo nna so.

Demu 9

Ekama maŋ daga nɛ bu pɛ mo jiga-jiga so, nko nɛ bu tii mo ebu nko n ju mo jiga-jiga so.

Demu 10

Ekama kɔ ekpa nɛ edemu-ji kpa nɛ a wɔ amobe amu so, a maa kpɛ to na nɛ a mige mo to nɛnɛ nɛ jama kikɛ e nu ta a lanɛ mɔbɛ kashintɛŋ, asheŋ daga so nɛ kusoe gberge nɛ ban sa mo.

Demu 11

Ekama nɛ bu fa fo, fo kɔ kashintɛŋ nɛ fo keni kefa nna, amɔ bu ji na mbri fo mbra bɛ ekpa so jimaa to nɛ fo maŋ tiŋ chɛ fo kɔnɔ.

A maŋ daga nɛ bu fa ekama nkpɔl kesheŋ nɛ ku maŋ daga kusoe gberge so ashi efuli na nko efuli-ana kikɛ bɛ mbra so, saŋɛ nɛ e wɔrɔ la bɛ kesheŋ na. A maŋ naŋ daga nɛ bu gberge esa kusoe nɛ ku baa chɔ kumo nɛ bu junkpar n sa mo saŋɛ nɛ e wɔrɔ lon bɛ kesheŋ nna.

Demu 12

A maŋ daga nɛ fo luri fo barkasa bɛ asheŋ to jigajigasɔ, mo dawule, mɔbɛ keyale nko mɔbɛ kebɔaya akpa, nko nɛ fo tige fo barkasa bɛ jilma nɛ mɔbɛ eyilikpa so. Ekama kɔ kashintɛŋ nɛ mbra na e kun mo ashi baasa bɛ kebaa luri mɔbɛ asheŋ to nɛ ketige nko nduwɛ mɔbɛ jilma so.

Demu 13

Ekama kɔ kashintɛŋ nɛ e baa nite mɔbɛ kumu so yɛlyɛla n naŋ tiŋ chena mɔbɛ efuli so.

Ekama kɔ kashintɛŋ nɛ e ler efuli kikɛ so, nɛ mɔbɛ efuli so gba n naŋ tiŋ m bɛta m ba mɔbɛ efuli so.

Demu 14

Ekama kɔ kashintɛŋ nɛ e yɔ efuli ko so n ya mɔlwe mobe kumu.

Nɛ bu fa esa kumobe ekpa so nkpai ashunɔ lubi nɛ e maa liɛ efuli na be kumu be kekeni be ekpaso nko ashenɔ nɛ a bee dɔɔ kɔnɔkɔŋwule be mbra na so, le be kashintɛŋ manɔ wɔtɔ.

Demu 15

Ekama kɔ kashintɛŋ nɛ e shi efuli ko so.

A manɔ daga kekini eko mobe efuli so be keshi jiga-jiga nko n kini mobe kechɛrga efuli nɛ e shi na so.

Demu 16

Benyen nɛ beche ya bulɔ, bu kɔ kashintɛŋ nɛ bu kil n tanɛ kananɔ nɛ shenɔ maa kunɔ bumo fanɛ yiri, efuli nɛ bu shi na so, nko kananɛ baa bunyanɔ ebɔrɛ. Bu kɔ kashintɛŋ kɔŋwule ashi kakil to nɛ kakil gbeni so to.

Pɔɛ nɛ baasa e kil abar, a daga nɛ bumo-wura-ana be kenyi kike e baa wɔ kakil na to.

Kananɔ la ebɔrɛ so be keshenɔ na n naa la baasa to be katunɔ junkpar po nɛ a daga nɛ jamaa nɛ efuli kike e baa kunɔ kumo.

Demu 17

Ekama kɔ kashintɛŋ nɛ e baa kɔ mobe kumu so be kapitɛ nko mo nɛ mo bra-ana.

A manɔ daga kepuni nko m mɔn eko mobe kapitɛ.

Demu 18

Ekama kɔ mobe kumu so be mɛra be kashintɛŋ, lakal nɛ kananɛ e bee bunyanɔ ebɔrɛ. La be kashintɛŋ tii mobe kechɛrga kananɛ e bee bunyanɔ ebɔrɛ nko mobe yɛrda, nɛ mobe kumu so be keshunɔ ebɔrɛ-shunɔ mo nawule nko mo nɛ mo bra-ana.

Demu 19

Ekama kɔ mobe mɛra nɛ kamalga be kashintɛŋ. La be kashintɛŋ tii kumu so be mɛra be kefɛ nɛ shenɔ maa kunɔ mo, e naa kɔ mobe kashintɛŋ nɛ e fin, n nya nko n sa kebɔaya nɛ lakal ekpa kike so nɛ mbarga kike manɔ wɔtɔ.

Demu 20

Ekama kɔ mobe kashintɛŋ nɛ e ba wɔ kagbenewushi be nsher to.

Bu maa nyanɔ eko a wɔtɔ nsher ko to.

Demu 21

Ekama kɔ kashintɛŋ nɛ e baa wɔ efuli so be awura-shenɔ to mo gbagba nko nɛ bu lara ba sa yɛlyɛla so nɛ bu yili bumo be ntilemu.

Ekama kɔ kashintɛŋ nɛ eji mobe efuli so be kusɔnɛ ku la ekama peyɛ be tunɔ kananɛ eko gba beenɔ ji kumobe tunɔ nna.

Baasa be aparshen a daga a ka la awura-sheṅ be egbel tulwase la be aparshen daga ne a shi saṅe saṅe be kɔnkɔṅ be kele kashinten be ekpa so n naa la ekama be kesheṅ ne baa le kɔnkɔṅ nna kegblando nko kumo ne ku be kɔnkɔṅ be kele be mbra so.

Demu 22

Fo kama ne fo wɔ baasa to, fo kɔ kashinten ne baasa e kuṅ fo, a daga ne fobe efuli so ne efuli-ana kike ka pe abar be kasher to, efuli-ana be keblase to ne amobe kapitɛ be albarka to ne fo nya eyilikpa ne nanṅkur ne ku daga fo dimedi ne dankare be ekpa so.

Demu 23

Ekama kɔ kashinten ne e shuṅ kushuṅ, ne e fin mobe kumuso be kepar ke Kushuṅ n nan shuṅ kushuṅ mbra be ekpa so n nan kuṅ mobe kumu ashi ketase fulon to.

Ekama kɔ kashinten ne bu ka mo kakɔka kɔṅwule ne kushuṅ kɔṅwule ne nkpieto kike man wɔto.

Ekama kɔ kashinten ne e ji mobe kushuṅ be tunɔ, mo nawule nko mo ne mobe keyale ne e naa wɔ kebawɔto ne ku daga dimedi, n nan fin kechetɔ ko ne ku daga ashi baasa kuto.

Ekama kɔ kashinten ne e baa wɔ beshumpo be kɔnkɔṅwule to ne bu baa kuṅ mobe aparshen.

Demu 24

Ekama kɔ kashinten ne e wushi ashi mobe kushuṅ akpa ne mobe ketase fulon to, kushuṅ na be jemanɛ e sa man pɔɔ eshumpo na so ne e nan nu ebel ashi saṅe saṅe be ewushi ne ku kɔ kakɔka.

Demu 25

Ekama kɔ kashinten ne e ba wɔ kebawɔto lɛla to, mo ne mobe keyale, ta alaṅe eyur be alemfia, ajibi-ji so, asɔ-buuso, kowu chena so to ne kusɔ kama ne ku la jamaa peyɛ, e naa kɔ kashinten ne e kuṅ mobe kumu saṅe ne e man naa wɔ kushuṅ to, ne e ka wɔ kulo to, ne kekulwu to, ne kenimu to nko kebawɔto ko ne ku man duli mo.

Kenio to ne kebia to, kike daga kekeni so nene n nan daga keche to. Mbia ne bu kurwe kakil to nko kejipo to daga kakun kɔṅwule.

Demu 26

Ekama kɔ kashinten ne e nya kebala ne kabii. Kebala ne kabii daga ne bekekarso na e nya kumo yelyɛla. Kebala ne kabii kekarso been ba la boshinɛ. A daga ekama ka nya enɔ to ne broni be ashuṅ be kebala ne kabii; benimu male be kebala ne kabii male daga ne ku be kenyi so.

Kebala ne kabii been lie dimedi be eyur kudu-anyɔ kike, n nan wɔto eleṅ to, jilma ta a laṅe dimedi be kashinten ne mobe kumu so be asheṅ kpɛra ere. Ku been tenji kenu-n-sa-abar so, kanyiti ne kenakpa efuli-anan to, yiri nko ebɔre be beshumpo be ntunso-ana to, n nan tenji. Durnyan be efuliana be kɔnkɔṅwule be kebawɔto kike ne kanbene wushi e baa wɔto.

Benawura-ana kɔ kashinten ne ekpa ne bu lara kebala ne kabii be ekpa ne ku daga bumobe mbia.

Demu 27

Ekama kɔ kashinten mobe kumu so ne e tin wɔto mobe baasa be adankaresheṅ n nan tin ji

adankare be aso lonḡe so nḡ kabre be kachḡe be kinishi buwi be kenyi be tuno.

Ekama ko kashintḡ nḡ ekpa nḡ e kuḡ mobe kumu so nḡ kebelḡ be kushuḡ.

Demu 28

A daga nḡ ekama e nya dimedi nḡ efuli-ana kike be kebawoto, nḡ kashintḡ nḡ kumu so be ashḡ nḡ a wo keyili kpra ere to e kurwe ebi lḡla.

Demu 29

Ekama ko mobe kushuḡ baasa to, bumo to nḡ e bee kii esa lḡla.

Nḡ esa bee bo mobe kashintḡ nḡ kumu so be ashḡ so a daga nḡ e baa de mbra so, sanḡe na so e maan tor mo barkasa ko be geshi to, lonḡ e beenḡ woro kusone ku daga nḡ ashḡ e be abar so nene nḡ ye-nḡ-n-ye be kebawoto e nya edesekpa baasa to.

Kashintḡ nḡ kumu so be ashḡ ere man daga ku woro amo m foe ekpa kanane durnyanḡ be efuli-ana be konokowule yili kumo nna.

Demu 30

Shḡ man wo kawol ere to a ḡini fanḡ efuli ko pkelḡ, baasa nko esa ko dawule peye nna, amoso eko man ko ekpa nḡ e woro kesheḡ ko nḡ ku beenḡ jija kashintḡ nḡ kumu so be ashḡ nḡ a wo kawol ere to.